

عدد — ۹۵

امور اداره و تحریریه و اعلانات و سائرہ
ایچون مدیر مسئولہ مراجعت ایدلیدر .
عرفای امتک مقالات متصوفانہ لربنہ
جریده صوفیہ نک صحیفہ لری آچقندر .
درج ایدلیان اوراق اعاده ایدلر .

جریده تصوف

شیمدیلك هفته ده بر نشر اولنور .

نسخه سی ۴۰ پاره در .

ابونه سی : بر سنه لك اعتباریله ممالك
عثمانیه ایچون : ۴ آلتی آیلغی ۲۵ غروش
وممالك اجنبیه ایچون اون ایکی فرانقدر

محل اداره باب عالی جوارنده ابوالسعود
جاده سنده نجم استقبال مطبعه سی

تصوفی ، دینی ، اخلاقی ، سیاسی جریده اسلامیه در .

درت طرفدن ساردی اعدا قالمدی جای پناه
اهل اسلامه عنایت ایله ارتق یااله

۷

دائما ذلته مزوج طبعمز معتادیمز
شان وعزتله عمر سورمش بتون اجدادیمز
بزله طعن ایلمی سکره دن احفادیمز

درت طرفدن ساردی اعدا قالمدی جای پناه
اهل اسلامه عنایت ایله ارتق یااله

۸

عطف اولسه خارجك احواله شویله نظر
مطلقا منظور اولور بیکلرجه غم یوز بیک کدر
ایتمده دینداشله هپ شرد شمدن خدر

درت طرفدن ساردی اعدا قالمدی جای پناه
اهل اسلامه عنایت ایله ارتق یااله

۹

عالم ارواحه امرایت لطف ایدوبده آی خدا
کسون امداده محمله علی المرتضی
عسکر اسلامه نصرت ایله احسان بعدما

درت طرفدن ساردی اعدا قالمدی جای پناه
اهل اسلامه عنایت ایله ارتق یااله

صومه تحصیل مأموری

م : حفظلی

قوش اطلالی ابراهیم افندی مرحومك غزلانی تخمیس

عشق ایله سرمست اولان درویش سامان ایسته مز
واصل جانان اولان سیرکستان ایسته مز
بنلکی ترك ایله بنلر شهرت و شان ایسته مز
وجه یاره دوش اولان عالمده سیران ایسته مز
جانی جانانه تسلیم ایله یین جان ایسته مز
هسنی موهومنی توحید ایله هدم ایله یین
نفسنی چله یله تأدیپ ایله یوب نرم ایله یین
سوی حقه صورت جدیده عزم ایله یین
بومسافر خانه نك فانیلکن فهم ایله یین
خانه قلبنده حقدن غیری مهمان ایسته مز
جذب ایدر حق رؤیت دیدارینه لایققری
جلوه گاه عشقنه لایق کورر صادققری
سیر فی الله ایتده کور مجنونلری ، وامقلری
جنت اوتماز ، طامودن قوماز خدا عاشققری

حق بودر ارباب عشق جنات و غلمان ایسته مز
قشر الفاظی آثار واقف اولان لب الله
دیده حقین ایله ایلر نظر هر جانبه
آشنای قلب اولان رغبت ایدرمی قابله
کرچه ظاهر علمنك ده نفی واردر طالبه
لیک اسراره ایرنلر صوری عرفان ایسته مز
داخل اولق ایسته یین ارباب عشقك بزمنه
وارلغن احما ایدر پروانه وش حق شمعنه
التفات ایتمز جهانك ذوق کرما کرمنه
ارجعی آوازی ایردی مرغ جانم سمعه
بی قرار اولدم انکجیون وردخدان ایسته مز
روحه اخلاص ایله برفاتحه اتخاف ایچون
ال آجوب ایله دعا الله صدقکه بتون
قبرمه حرمتله کل وضع خشوعکه کورون
ماسوا اللهدن مجرد اولدی ابراهیم بوکون
وارینی دلداره ویردی وصل وهجران ایسته مز

ازمیر مولوی شیخی

نورالدین

آهنك رقیقمزدن

کلاه مولوی

لانه عنقای حکمتدر کلاه مولوی
آسمان شمس عزتدر کلاه مولوی

مولویار محفلنده صحبت عاشق جهان
چونکه تمثال ظرافتدر کلاه مولوی

مسلك جدیتك بر شاهد علیسیدر
تاج مردان متاندر کلاه مولوی

موقعی غایت یوجه ، غایتله قیمتداردر
ستره درج فطانتدر کلاه مولوی

رنك و بوی جلب قلب ایتمکده در فوق الرؤس
زهره طوبای زهتدر کلاه مولوی

ازمیر : مرکز اعشار ایکنجی کاتبی

احمد ضیا

اخطار

غزته مز ۹۶ نجی نسخه سیله اوچنجی سنه سنی اکال ایدم -
چکیندن او، واولکی سنه لره عائد ابونه بدللرینی ارسال ایتمیان ذواتک
تأدییه دیون ایتملری رجا اولنور .

مدیر مسئول : حسن کاظم

نجم استقبال مطبوعه سی